



Broj: 01/02-16056-3-2/17
Zenica, 12.01.2018. godine

ZENIČKO-DOBOJSKI KANTON
VLADA KANTONA
Stručna služba Vlade
n/r sekretara po ovlaštenju

PREDMET: Amandman I Kluba poslanika DF-a na Prijedlog Zakona o plaćama i naknadama u organima vlasti Zeničko-dobojskog kantona – dostavlja se

U prilogu ovog dopisa, dostavljamo Vam **amandman I Kluba poslanika Demokratske fronte (DF-a) na Prijedlog Zakona o plaćama i naknadama u organima vlasti Zeničko-dobojskog kantona**, a radi izjašnjenja Vlade Kantona o istom, u skladu sa odredbama članova 138. i 139. Poslovnika Skupštine Zeničko-dobojskog kantona -Novi Prečišćeni tekst («Službene novine Zeničko-dobojskog kantona»), broj: 7/12 i 12/13).

Navedeni amandman je blagovremen shodno Odluci Kolegija Skupštine broj: 01-01-348-2/18 od 09.01.2018. godine donesenoj na 69. sjednici Kolegija, prema kojoj se produžava rok za podnošenje amandmana na Prijedlog Zakona o plaćama i naknadama u organima vlasti Zeničko-dobojskog kantona **najkasnije do 16.01.2018. godine (utorak) do 10,00 sati**.

Molimo vas da nam izjašnjenje Vlade Kantona po navedenom amandmanu dostavite što prije, a obavezno prije početka održavanja 54. sjednice Skupštine zakazane za dan 17.01.2018. godine (srijeda), u 10,00 sati, kako bi Zaključak Vlade Kantona sa izjašnjenjem na isti mogli blagovremeno dostaviti poslanicima Skupštine na e-mail adrese, te iskopirati i podijeliti i u pismenom obliku svim poslanicima Skupštine, prije početka navedene sjednice.

S poštovanjem,

PRILOG: Kao u dopisu

Dostavljeno:

- 1 x Naslovu,
- 1 x Ministarstvo za pravosuđe i upravu,
- Svim poslanicima Skupštine/05-03
- 1 x Svim članovima Zakonodavno-pravne komisije/04-01
- 1 x 02,
- 1 x U spis predmeta **54. sjednice Skupštine/05-03**

SEKRETAR

Abdulah Avdagić



02/12.01/18
05-03/12.01/18

Ibrahim Avdagic

From: "Delić Midhat" <delicmidhat@live.com>
Date: petak, 12. januar 2018. 09:05
To: "ibrahim avdagic" <ibrahim.avdagic@zdk.ba>
Attach: AMANDMAN KLUBA DF.doc

SRPSKA ZEMUN - DOBRIPISNO TRUPLJE			
Prilazno: 12.01.2018.			
Org. jed.	Broj	Prijet	Vrij. oznak
01-02-	16056-	3-1/17	

Poštovani,

U prilogu Vam dostavljam AMANDMAN KLUBA POSLANIKA DF, na Prijedlog zakona o plaćama i naknadama u organima vlasti ZDK, na daljnje postupanje

S poštovanjem,

Midhat Delić, dipl.ing.

Telefon: +387 32 559 093

Mobitel: +387 61 412 533

KLUB POSLANIKA DF U SKUPŠTINI ZDK

OPŠTINA ZENIČKO-DOBOJSKOG KANTONA			
Prijedlog: 12. 01. 2018.			
Org. jed.	Broj	Priloga	Znakoviti
01-02	-	16056-3	14

SKUPŠTINA ZENIČKO-DOBOJSKOG KANTONA

- Predsjedavajućem Skupštine ZDK

- Sekretaru Skupštine ZDK

Zenica, 12.01.2018. godine

**PREDMET: Amandman na Prijedlog Zakona o plaćama i naknadama u organima vlasti
Zeničko-dobojskog kantona – dostavlja se**

Shodno odredbi člana 133. i 134. Poslovnika Skupštine Zeničko-dobojskog kantona, podnosimo amandman na **Prijedlog ZAKONA O PLAĆAMA I NAKNADAMA U ORGANIMA VLASTI ZENIČKO-DOBOJSKOG KANTONA**, kako slijedi:

AMANDMAN I

U Članu 1. riječi „izabranog dužnosnika“ zamjenjuju se riječima „Predsjedavajućeg Skupštine“ Ostali dio teksta ostaje nepromijenjen.

U Članu 2. tačka a) mijenja se i glasi:

« a) *Predsjedavajući Skupštine*”, u smislu ovog zakona, je član Skupštine Zeničko-dobojskog kantona izabran u skladu sa Ustavom Zeničko-dobojskog kantona i Poslovníkom Skupštine Zeničko-dobojskog kantona (u daljnjem tekstu: *Predsjedavajući Skupštine*).”

U Članu 4. riječi „izabranog dužnosnika“ zamjenjuju se riječima „Predsjedavajućeg Skupštine“.

Ostali dio teksta ostaje nepromijenjen.

U Članu 6. stav (1) riječi „izabranog dužnosnika“ zamjenjuju se riječima „Predsjedavajućeg Skupštine“.

Ostali dio teksta ostaje nepromijenjen.

U Naslovu drugog dijela Zakona, DIO DRUGI – riječi „IZABRANIH DUŽNOSNIKA“ zamjenjuju se riječima „PREDSJEDAVAJUĆEG SKUPŠTINE“.

Ostali dio teksta naslova drugog dijela ostaje nepromijenjen.

U Članu 7. stav (1) riječi „izabrani dužnosnik“ zamjenjuju se riječima „Predsjedavajući Skupštine“, a iza riječi „profesionalno“ dodaju se riječi: „ukoliko se za to odluči“. Ostali dio teksta u stavu (1) ostaje nepromijenjen.

U Članu 7. stav (2) se briše, a stavovi (3) i (4) postaju stavovi (2) i (3).

Član 8. se briše.

Član 9. postaje Član 8., te se mijenja i glasi:

„Član 8.

(Platni razred i koeficijent za Predsjedavajućeg Skupštine, nositelja izvršne funkcije, savjetnika, Kantonalnog pravobranitelja i zamjenika kantonalnog pravobranitelja)

(1) Utvrđuju se sljedeći platni razredi i koeficijenti za obračun plaća za Predsjedavajućeg Skupštine, nositelja izvršnih funkcija, savjetnika, Kantonalnog pravobranitelja i zamjenika kantonalnog pravobranitelja:

Platni razred	Radno mjesto	Koeficijent
I	Predsjedavajući Skupštine Kantona, Premijer Kantona	9,80
II	Ministar u Vladi Kantona	9,00
III	Kantonalni pravobranitelj	7,60
IV	Zamjenici Kantonalnog pravobranitelja	7,00
V	Savjetnik nositelja izvršne funkcije,	6,40

(2) Osnovna plaća osobe iz stavka (1) ovoga članka utvrđuje se sukladno članku (6) ovoga zakona.

(3) Predsjedavajući Skupštine i nositelj izvršne funkcije imaju pravo na dodatak na plaću čiju visinu i način ostvarivanja utvrđuje Vlada Kantona svojim aktom.“

Član 10. postaje Član 9. i u stavu (1) istog člana riječi „izabrani dužnosnik“ se zamjenjuju riječima „Predsjedavajući Skupštine“. Ostali dio teksta ostaje nepromijenjen.

Član 11. se briše.

Član 12. postaje Član 10. i stav (1) istog člana mijenja se i glasi:

„ (1)Predsjedavajući Skupštine, nositelj izvršne funkcije, savjetnik, Kantonalni pravobranitelj i zamjenik kantonalnog pravobranitelja, ima pravo na naknadu troškova ishrane – topli obrok.“

Stav (2) istog člana mijenja se i glasi:

(2) Visina i način ostvarivanja naknade za troškove ishrane - topli obrok uređuju se aktom Vlade Kantona iz člana 26. stav (2), (dosadašnjeg člana 29.) ovog zakona.

Član 13. postaje Član 11. i mijenja se i glasi:

„Član 11.

(Naknada za godišnji odmor i plaćeni dopust)

Predsjedavajući Skupštine, nositelj izvršne funkcije i savjetnik, kantonalni pravobranitelj i zamjenik kantonalnoga pravobranitelja imaju pravo na naknadu za vrijeme godišnjega odmora (regres), u visini 50% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku, i naknadu za plaćeni dopust u dužini od 30 dana u iznosu svoje neto plaće iz prethodnoga mjeseca.“

Član 14. postaje Član 12. mijenja se i glasi:

„Član 12.

(Naknada u slučaju smrti, teške bolesti, ozljede na radu i invalidnosti i pravo na osiguranje od posljedica nesretnog slučaja)

Naknadu u slučaju smrti, teške bolesti, ozljede na radu i invalidnosti, kao i pravo na osiguranje od posljedica nesretnog slučaja, Predsjedavajući Skupštine, nositelj izvršne funkcije, savjetnik, kantonalni pravobranitelj i zamjenik kantonalnoga pravobranitelja ostvaruju na način i pod uvjetima utvrđenim u dosadašnjim člancima 36. i 37. koji sada postaju članci 33. i 34. ovoga zakona, koji se primjenjuju za državne službenike i namještenike kantonalnih organa državne službe.”

Član 15. postaje Član 13. i u članu 13. riječi „**Izabrani dužnosnik**“ zamjenjuju se riječima „**Predsjedavajući Skupštine**“.

Ostali dio teksta ostaje nepromijenjen.

Član 16. postaje Član 14. i u stavu (1) i (2) istog člana riječi „**Izabrani dužnosnik**“ zamjenjuju se riječima „**Predsjedavajući Skupštine**“.

Ostali dio teksta ostaje nepromijenjen.

Član 17. postaje Član 15. i stav (1) istog člana mijenja se i glasi:

„(1) Predsjedavajući Skupštine, nositelj izvršne funkcije i savjetnik, kome nije organiziran prijevoz na posao i s posla, ima pravo na troškove prijevoza na posao i s posla.“

Dosadašnji član 18. se briše.

Dosadašnji član 19. postaje član 16. koji se mijenja i glasi:

„Član 16.

(Novčane naknade zastupnika Skupštine, zamjenika predsjedatelja Skupštine, članova Kolegija Skupštine i članova radnih tijela Skupštine)

- 1) Zastupnici u Skupštini Kantona, zamjenici predsjedatelja Skupštine, članovi Kolegija Skupštine i članovi radnih tijela Skupštine, (stalnih i privremenih), imaju pravo na odgovarajuće novčane naknade za učešće u radu Skupštine, Kolegija Skupštine i radnih tijela Skupštine, (stalnih i privremenih), kao i pravo na naknadu troškova prevoza na zasjedanje Skupštine, Kolegija i radnih tijela Skupštine, čiju vrstu i visinu utvrđuje svojim aktom nadležno radno tijelo Skupštine Kantona.
- (2) Pravo na paušal, kao jedne vrste pripadajuće novčane naknade, zastupnik može ostvariti samo po jednom osnovu, odnosno na jednom nivou zakonodavne vlasti.
- (3) Iznos paušala, naknade za učešće u radu radnih tijela Skupštine i Kolegija Skupštine umanjuje se zastupniku, članu Kolegija i članu radnog tijela Skupštine, za 10% za svako neopravdano odsustvovanje sa sjednice Skupštine Kantona, Kolegija Skupštine ili radnog tijela čiji je član. Evidenciju o izostancima sa sjednica Skupštine vodi tajnik Skupštine Kantona, sa sjednica Kolegija pomoćnik sekretara u Odjeljenju za poslove Skupštine, a sa sjednica radnih tijela pomoćnik sekretara u Odjeljenju za poslove radnih tijela.
- (4) Predsjedavajući Skupštine koji dužnost obavlja profesionalno, nema pravo na naknade iz stava (1) ovog člana. “

U dosadašnjem članu 51. koji postaje član 48. u stavu (3) riječi “članka 9. stavak (4)” zamjenjuju se riječima “članka 16”.

Sve odredbe, (članovi) Prijedloga Zakona o plaćama i naknadama u organima vlasti Zeničko-dobojskog kantona, mijenjaju svoju numeraciju shodno izvršenom brisanju određenih članova.

Obrazloženje

Navedenim amandanom želi se spriječiti mogućnost zasnivanja radnog odnosa svih zastupnika u Skupštini Zeničko-dobojskog kantona, osim predsjedavajućeg Skupštine Kantona, zato što bi to znatno opteretilo Budžet Kantona za 2018. godinu i sve naredne godine, odnosno spriječiti trošenje velikog iznosa budžetskih sredstava na visoke plate zastupnika i njihove druge novčane naknade predviđene u odgovarajućim odredbama Prijedloga navedenog Zakona, umjesto da se ta budžetska sredstva troše za mnogo korisnije svrhe i namjene, kao što su npr. povećanje visine dječjeg dodatka, povećanje naknada za porodijsko odsustvo, povećanje raznih vidova naknada socijalno-ugroženim kategorijama građana i sl. Smatramo da je dovoljno da, kao i do sada, samo predsjedavajući Skupštine može zasnovati radni odnos u Skupštini, ukoliko se za to odluči, (a i ne mora), dok bi ostali poslanici ostvarivali pravo na određene novčane naknade, kao i do sada.

Takođe ovim amandmanom se briše član 11. koji predviđa pravo na tzv. “bijeli hljeb”, to jest naknadu plaće izabranog zvaničnika nakon prestanka javne funkcije, što su ranije svi kritikovali i zalagali se za ukidanje navedenog prava.

Predsjednik Kluba poslanika DF

Delić Midhat